

圖註脉訣辨真卷之二

西晉 王叔和 撰

四明 張世賢 註

武林馬之驥北窗父校

心臟歌

心臟身之精小腸爲弟兄

心也者隨歲應變主宰萬物心爲一身之主故曰
身之精朱子有曰天君太然日體從令兩屬小腸
而剛丁屬心火而柔剛在先而爲兄柔在後而爲
弟二者俱係君火同氣連枝改言弟兄而不言夫
婦心之夫勝號是也
小腸之婦肺金是也

象離隨夏旺屬火向南生

雖之爲卦。其中空虛。二二屬。是也。火旺於
夏。所以隨夏而旺。二二南方。乃屬。是也。故云
向南而生。

任物無纖巨。多謀長。有靈。

任物者。任親萬物也。纖小也。巨大也。人之應物
隨其小大。無不任親也。朱子曰。人心之應物。莫不有
知。所以多謀。

內行於血海外。應舌將榮。

血海。肝也。心主血。肝藏之。故云。內行血於舌。乃心
之竅。心氣通於舌。故云。外應舌。而舌能管知味
也。

七孔多聰慧。三毛上智英。

多聰慧者。心有七孔。上智英者。心有二毛。其次則不全矣。

反時憂不解。順候脉洪驚。

心屬火而旺。夏反得冬脉。沉濡而滑。此乃腎邪干心。水來尅火。謂之賊邪。是可憂也。順候診得夏脉也。驚者。大而散也。其脉洪大而散。謂之順候。

液汗通皮潤。聲音爽氣清。

腎主液。入心爲汗。肺主聲。入心爲言。水能尅火。汗通則腎水平而皮潤。火不受水賊矣。火能尅金。言爽則肺金平而氣消。金不受火侵矣。

伏梁秋得積。如臂在臍紫。

經曰。腎病傳心。心當傳肺。肺旺者不受邪。心復欲還腎。腎不肯受。留滯爲積。故知伏梁。以秋庚辛日。

得之。其積之形狀。如手臂環於臍畔。紫繫而不動也。

順視雞冠色凶看瘀血疑。

雞冠。色之赤者也。瘀血。赤而黑者也。赤乃本色而為順。黑則水來尅火而凶矣。通津子曰。心。其色赤。然心藏於內。不得見。此云順視雞冠。凶看瘀血。叔和以經云五臟有五色。皆見於面。又當與寸口尺內相應。假令色赤者。赤脉浮大而散。赤。心色也。浮大而散。心脉也。以此言之。五臟之色。皆可察之於面也。

診時須審委細察在叮嚀。

凡醫必從望聞問切四字。上文言視其血色而知其吉凶。聞其聲言爽而知其氣清。切其脉而知其友時順候。獨缺問之一字。故於此言臨診脉時。必須詳審委曲。細察病源。不致差誤也。叮嚀。叔和致

屬後學
之意也。

實夢憂驚怪虛翻烟火明。

心臟有餘則夢中或憂或驚或怪異之事。
心臟不足則夢烟火光明化竭而見本矣。

秤之十二兩大小與常平。

心重十二兩不斤兩之數皆也大小皆等其
則其寸也。

心藏之圖



心脉見於三部歌

三部俱數心家熱舌上生瘡唇破裂

五臟更相和平。一臟或有太過不及。遂延及各臟也。數者。火脉也。三部俱數。心臟邪熱太過。延及各臟。致令脉皆見數。心氣通於舌。心熱盛。則舌生瘡而唇破裂。或白。唇屬脾。唇何爲而破裂也。然唇之四白際如屬於脾。其紅者皆屬心。火也。內經曰。脾之華在唇。四白。

狂言滿目見鬼神。飲水百杯終不歇。

言者。心之聲。鬼神。陰類也。心熱盛。則口發狂言。而目多見鬼神。經曰。脫陽者見鬼。數甚則陰絕。陰絕則陽不能獨留。而亦欲脫矣。所以目見鬼神也。心火盛。則腎水衰。腎主五液。衰則五液缺少。而心火獨炎。所以渴而欲暢飲也。

心脉見於三部之圖



三部俱數心家熱。舌上生瘡唇破裂

。狂言滿目見鬼神

。飲水百杯終不歇

心脉歌

心脉托陽氣作聲。或時血刺吐交橫。

此一歌。通言心之病脉也。雲岐子曰。托主血。聲指不流。不流則氣道不得通暢。故陽氣在內作聲。心脉托。積血在於胃中。氣上則吐之。氣陷則下之。刺吐交作也。

溢關骨痛心煩燥更兼頭面赤騃騃

溢關脉自關部湧出於魚際也。騃騃。熱盛而色赤之甚也。

大實由來面赤燥而面色與心同

心脉大實。蓋心家。熱則生風。故面色赤而身有風也。有風有熱。故面赤。其心色同。言赤之甚也。

微寒虛惕心寒

心脈當浮大。而反沉。不足。則見微脈。主寒而虛。但欲寐。寒濕交作也。

急則腸中痛不通

通津子曰。數甚則爲急。急謂氣急也。小腸乃心之腑。心脈急。主小腸氣急。疼痛。二便俱不得通利也。

實大相兼并有滑舌滑心驚言語難

心脈實大而滑。謂之實。實。火中有土。則水不能制火。而火邪愈甚。甚則熱而生風。致令舌不能動。而心中驚惕。語言蹇澀也。

單滑心熱別無病

素古曰。單滑之正邪。

清無心力不多言

因已不足所以妻來乘夫

沉緊心中逆冷痛

謂之賊邪

弦時心急又心懸

此一句承沉緊心中逆冷痛而言。弦時乃肝邪于心。致令心急。又心懸仍指賊邪而言。水來尅火故心懸如病。飢也。心懸如病。飢見靈樞腎經是動則病。

心脉之圖



肝臟歌

肝臟應春陽連枝膽共房

肝屬木而應春連枝即心臟弟
兄之義也共房肝膽同一處也

色青形象木位列在東方

肝之色青木之色亦猶是也肝臟之形是木
之幹東方屬木木所居之位故列在東方也

含血榮於目牽筋爪運將

肝藏血而為血海故能含血其候在目其華在爪
其充在筋所舍之血榮於目牽引於筋爪故目能
視足能步掌能握
指能捻而運動也

逆時生恚怒順候脉弦長

肝屬木而應春。當反得秋脉。浮短而瀉。謂之逆時。乃金來尅木。木受尅則不得舒暢。故生恚怒。順候其脉弦而長也。

泣下爲之液。聲呼是本鄉。

腎主液。入肝爲泣。肺主聲。入肝爲呼。泣與呼皆屬於肝。故曰本鄉。

味酸宜所納。麻穀應隨糧。

肝其味酸。宜納穀麥。或云麻字疑誤。應隨糧者。廣川家之糧食也。

實夢山林樹。虛看細草芒。

濕古曰。平剛爲木。故實夢山林樹。乙柔爲草。故虛看細草芒也。

積因肥氣得。杯覆勝隅傍。

經曰。肺病傳肝。肝不當傳脾。脾季夏適旺。旺者不肯受。故留結爲積。名曰肥氣。以季夏戊巳日得之。狀如覆杯。在左脇下。突出如肉。肥盛之狀也。

翠羽身將吉。顏同枯草殃。

肝臟色青。翠羽色青。而紅。枯草色青而白。紅屬心火。白屬肺金。木生火。故曰吉。金剋木。故曰殃。

四斤餘四兩七葉兩分行。

肝重四斤四兩。左三右四。共七葉而兩行分也。

